

**106.** (Der schulde eyne rechte gewehre gemutet unnd entpfangenn.)

Nochdem Jorge Ruland clage seczt zu Alexius Geyer umbe XLVI gulden, dovor er ym abe-*fol. 43 (125).*  
gekoufft habe v̄ kucks in sent Katherin Nuwfangen, doran er ym 1 gulden gegeben had, ym dy teil  
ynne gelaßen dy zu verbawen, das er gethan und eilff gulden zubuß doruff gegeben habe zcwey jar,  
5 und ap Alexius des in aberede sien wolt, erbewtet yn das, wy recht, zu beweisen. Sulchir schulde  
habe Alexius eyne gewere gemuth und von Ruland empfangen und noch gethaner gewere geantwert,  
der benante koufft, in maßen der angeczogen sey wurden, sey nicht verczogen noch vorgang gehabt,  
nochdem der clegir bekentlich ist, er habe sy verleget und verczubußt, und sulche kucks weren dem  
10 antwerter ny gewert wurden, so erfunde sich uß der tad, das sych dy schulde nach bergloufftiger  
weiße vorjart hette, also das Alexius dem cleger zu siner clage, so es bergweg berurt, zu antworten  
und ann der clage nicht schuldig sey. Dorwidder und nochdem Alexius sulcher schulde eyne ge-  
were gemuth und empfangen had, fraget Jorge Ruland, ap er ym icht billich der rechte antwert  
thun sulle 1c.

H. spr. w. n. b. v. r. Nochdem Alexius Geyr sulcher schulde eyne rechte gewere gemutet  
15 und empfangen had, so kan er sich sulchir schulde rechte antwert zu thun mit sulchen sinen ußczogen  
nicht geschutzen, sundern thud ym dy billich.

**107.** (Die gekouften teile eym andern wider verkoufft unnd damit den gewerth zu nemen an den  
erstenn vorkouffer geweißet.)

Nochdem Cristoff Rotgisser claget zu Hanßen Spinler, wy er zu der zzeit, als Spinler zu *fol. 43 (125).*  
20 sent Crisstoff eyne schichtmeister gewest ist, doselbst 1 kucks gehabt, und alsbalde der gnante Spinler  
sein register obirgeantwert habe und das ampt eynem andern befohlen ist, sey sulch kucks verlorn  
wurden und habe den bey dem nuwen schichtmeister nicht konnen finden. Sulchs kucks sey er ym  
vor dem richter bekentlich geweißt und ym den widder zu schicken gelobet und zu gewehren, wenn  
er den haben wolt, dem er nicht nochkomen sey, und Cristoff habe doruff sulchin kucks Johan Lobeler  
25 von Kolen vor 11<sup>o</sup> XXXIX gulden verkoufft und an Hanß Spinler yn des zu gewehren geweißet, des er  
mit manigfeldiger guttlicher ersuchunge an ym nicht habe mogen erlangen, mit forderm langen in-  
halde 1c. Dorkegen antwert Spinler, wy er ym sulchin kucks, dorumbe er yn schuldige, ny mit un-  
rechte vorgehalten habe, und wenn er yn dorumbe gemanet, ym gesaget habe, wenn er komme, so  
wulle er ym sulchen kucks obirantworten und zuschriben laßen, des er dann selbir sewmig wurden  
30 sey, und an ym sy kein gebruch geweißt, und erbewtet sich ym den noch zu gewehren, mit for-  
derm inhalde.

H. spr. w. n. b. v. r. Nochdem Cristoff Rotgisser Hanßen Spinler umbe sinen verlorn kucks  
in sent Cristoff geschuldiget und Spinler ym den, wenn er wulle, widder zu schicken und zu zu-  
schriben laßen bekand und verheischin had, das ouch itcz in siner antwert noch obirbotig ist, und  
35 Cristoff Rotgisser had denselben kucks Johan Lobeler von Kolen verkoufft und yn dormith an Hanßen  
Spinler sulchin kucks von ym gewert zu nemen geweißt, und Johan Lobeler had Spinler durch sich  
selbs addir sinen dinern yn sulchs kucks zu gewehren guttlichen ersucht addir ersuchen laßen, und  
Spinler had ym sulchin kucks von Cristoffs wegen zu gewehren gewegert, und kan das so gescheen,  
wy recht ist, erweißen, so gewert yn Hanß Spinler sulchs kucks noch, und sovil der itczt weniger  
40 dann zu der zzeit, do er den Lobler verkoufft hatte, gildet, vertreyt er sich mit ym billich.